

華資工廠調查錄

專訪梅

(廿八)

聘成毛織廠

聘成毛織廠、設在深水埗之長沙灣道、為本華資毛織品廠之最先成立者、為私人之有限公司、註冊資本五萬元、實則資以週轉者、常在三十萬元之間、成立於十一年前、時民國十二年也、

▲出品 該廠出品、有冬季之冷衫、夏季之游泳衣、及羊毛波襪、綫仔襪等、而尤以游泳衣及冬季婦女所穿之毛外套為最受社會士女歡迎、

▲銷場 該廠所出各種毛織品、在廣州廈門汕頭梧州各地、極得社會人士購用、而在本港亦不弱、最近南洋天氣早晚頗為寒峭、故邇來各貨之運該處者亦不少也、

▲營業 該廠營業據司理人李君語記者謂、全盛時期、年約四十餘萬元

、惟邇因世界各地經濟不振、故營業稍為減色、現以去年計之、約得三十二萬元左右、此則非因出貨減少、實為貨價低落之原因、就以毛織游泳衣而論、最初每打售價六十餘元、前去年則仍售四十餘元、而今年則每打只售三十元

左右、前後相差幾至一倍有奇、故近年獲利比前亦相差一倍有奇也云云、

▲生產 該廠生產、每日可出游泳衣七打、毛襪線襪約七八十打、至百二打、冷衫約二十餘打、現因夏季、故冷衫部已暫停織造、以俟秋涼方再動機云、

▲工人 該廠現有男女工人三百餘名、女工約占百分之八十有奇、分織襪織游泳衣大部、男工最多

每月可獲三十元左右、而女工則每日約得三毫至四毫、廠中設備頗為週全、故工人待遇尚佳、

▲概論 查織造羊毛冬季所用之毛外套及夏季之游泳衣、因時勢所倚、故此業前途現雖在低價低落之時期、然仍有無窮之希望、蓋舶來之衣、勿論其為女外套或游泳衣、每件售價最高二十餘元、而最低亦在十六七元左右、若與土製者價目、每打卅餘元、相比則人無有不購土製者、以其價格之懸殊實甚、而土製亦不見得有何不及外貨之處也、聞該廠所出之毛織品、即本港外商亦有不少向其定製者、各大公司標價十餘廿元之貨、實亦有不少為該廠之所特製云、